

庾子山集

蘇子山知齋

PDG

庾信本傳

唐令狐德棻等撰

庾信字子山南陽新野人也祖易齊徵士父肩吾梁散騎常侍中書令信幼而俊邁聰敏絕倫博覽羣書尤善春秋左氏傳身長八尺腰帶十圍容止頽然有過人者起家湘東國常侍轉安南府參軍時肩吾爲梁太子中庶子掌管記東海徐摛爲左衛率摛子陵及信竝爲抄撰學士父子在東宮出入禁闥恩禮莫與比隆既有盛才文竝綺豔故世號爲徐庾體焉當時後進競相模範每有一文京都莫不傳誦累遷尚

書度支郎中通直正員郎出爲郢州別駕尋兼通直
散騎常侍聘于東魏文章辭令盛爲鄴下所稱還爲
東宮學士領建康令侯景作亂梁簡文帝命信率宮
中文武千餘人營於朱雀航及景至信以衆先退臺
城陷後信奔于江陵梁元帝承制除御史中丞及郎
位轉右衛將軍封武康縣侯加散騎常侍來聘于我
屬大軍南討遂留長安江陵平拜使持節撫軍將軍
右金紫光祿大夫大都督尋進車騎大將軍儀同三
司孝閔帝踐祚封臨清縣子邑五百戶除司水下大

夫出爲弘農郡守遷驃騎大將軍開府儀同三司司
憲中大夫進爵義城縣侯俄拜洛州刺史信多識舊
章爲政簡靜吏民安之時陳氏與朝廷通好南北流
寓之士各許還其舊國陳氏乃請王褒及信等十數
人高祖唯放王克殷不害等信及褒並留而不遣尋
徵爲司宗中大夫世宗高祖並雅好文學信特蒙恩
禮至於趙滕諸王周旋款至有若布衣之交羣公碑
誌多相請託唯王褒頗與信相埒自餘文人莫有逮
者信雖位望通顯常有鄉關之思乃作哀江南賦以

致其意云大象初以疾去職卒隋文帝深悼之贈本
官加荆淮二州刺史子立嗣

史臣曰兩儀定位日月揚暉天文彰矣八卦以陳書
契有作人文詳矣若乃墳索所紀莫得而云典謩以
降遺風可述是以曲阜多才多藝鑒二代以正其本
闢里性與天道修六經以維其末故能範圍天地綱
紀人倫窮神知化稱首於千古經邦緯俗藏用於百
代至矣哉斯固聖人之述作也逮乎兩周道喪七十
義乖淹中稷下八儒三墨辯博之論蜂起漆園黍谷

名法兵農宏放之詞霧集雖雅誥與義或未盡善考其所長蓋賢達之源流也其後逐臣屈平作離騷以敘志宏才豔發有惻隱之美宋玉南國詞人追逸轡而亞其迹大儒荀況賦禮智以陳其情含章鬱起有諷論之義賈生洛陽才子繼清景而奮其暉竝陶鑄性靈組織風雅詞賦之作實爲其冠自是著述滋繁體制匪一孝武之後雅尚斯文楊葩振藻者如林而二馬王楊爲之傑東京之朝茲道愈扇咀徵含商者成市而班傅張蔡爲之雄當塗受命尤好蟲篆金行

勃與無替前烈曹王陳阮負宏衍之思挺棟幹於鄧
林潘陸張左擅侈麗之才飾羽儀於鳳穴斯竝高視
當世連衡孔門雖時運推移質文屢變譬猶六代竝
奏易俗之用無爽九流競逐一致之理同歸歷選前
英於茲爲盛旣而中州板蕩戎狄交侵僭僞相屬士
民塗炭故文章黜焉其潛思於戰爭之間揮翰於鋒
鏑之下亦往往而間出矣若乃魯徽杜廣徐光尹弼
之疇知名於二趙宋諺封奕朱彤梁謹之屬見重於
燕秦然皆迫於倉卒牽於戰爭竟奏符檄則粲然可

觀體物緣情則寂寥於世非其才有優劣時運然也
至朔漠之地葺爾夷俗胡義周之頌國都足稱宏麗
區區河右而學者將於中原劉延明之銘酒泉可謂
典子曰十室之邑必有忠信豈徒言哉泊乎有魏
定鼎沙朔南包河淮西吞關隴當時之士有許謙崔
宏崔浩高允高閭游雅等先後之間聲實俱茂詞義
典正有永嘉之遺烈焉及太和之辰雖復崇尚文雅
方駿竝路多乖往轍涉海登山罕值良寶其後袁翻
才稱澹雅常景思標沉鬱彬彬焉蓋一時之俊秀也

周氏創業運屬陵夷纂遺變於旣喪聘奇士如弗及
是以蘇亮蘇綽盧柔唐瑾元偉李昶之徒咸奮鱗翼
自致青紫然綽建言務存質朴遂糠粃魏晉憲章虞
夏雖屬詞有師古之美矯枉非適時之用故莫能常
行焉旣而革車電邁渚宮雲撒爾其荆衡杞梓東南
竹箭備噐用於廟堂者衆矣唯王褒庾信奇才秀出
牢籠於一代是時世宗雅詞雲委滕趙二王雕章間
發咸築宮虛館有如布衣之交由是朝廷之人閭閻
之士莫不忘味於遺韻眩精於末光猶丘陵之仰嵩

岱川流之宗溟渤也然則子山之文發源於宋末盛行於梁季其體以澹放爲本其詞以輕險爲宗故能誇目侈於紅紫蕩心逾於鄭衛昔楊子雲有言詩人之賦麗以則詞人之賦麗以澹若以庾氏方之斯又詞賦之罪人也原夫文章之作本乎情性覃思則變化無方形言則條流遂廣雖詩賦與奏議異軫銘誄與書論殊塗而撮其指要舉其大抵莫若以氣爲主以文傳意考其殿最定其區域撫六經百氏之英華探屈宋卿雲之祕奧其調也尚遠其旨也在深其理

也貴當其辭也欲巧然後瑩金璧播芝蘭文質因其
宜繁約適其變權衡輕重斟酌古今和而能壯麗而
能典煥乎若五色之成章紛乎猶八音之繁會夫然
則魏文所謂通才足以備體矣士衡所謂難能足以
逮意矣

庚子山集目錄

卷一

賦

三月三日華林園馬射賦

小園賦

竹杖賦

邛竹杖賦

哀江南賦

傷心賦

枯樹賦

春賦

七夕賦

象戲賦

燈賦

對燭賦

鏡賦

鴛鴦賦

蕩子賦

卷二

樂府

對酒歌

昭君辭應詔

王昭君

出自薊北門行

結客少年場行

道士步虛詞十首

俠客行

從軍行

烏夜啼

怨歌行

舞媚娘

烏夜啼

燕歌行

楊柳歌

卷三

詩

奉和泛江

奉和山池

陪駕幸終南山和宇文內史

和宇文內史春日遊山

遊山

和宇文京兆遊田

奉報寄洛州

奉報窮秋寄隱士

上益州上柱國趙王二首

謹贈司寇淮南公

正旦上司憲府

任洛州酬薛文學見贈別

將命至鄴酬祖正員

將命至鄴

入彭城館

同州還

從駕觀講武

奉報趙王出師在道賜詩

和趙王送峽中軍

奉和趙王途中五韻

侍從徐國公殿下軍行

伏聞遊獵

見征客始還遇獵

奉和闡弘二教應詔

至老子廟應詔

奉和趙王遊仙

奉和同叅寺浮圖

奉和法筵應詔

和從駕登雲居寺塔

和何儀同講竟述懷

奉和趙王隱士

擬詠懷二十七首

和張侍中述懷

奉和示內人

奉和趙王美人春日

奉和趙王春日

夢入堂內

和詠舞

夜聽搗衣

預麟趾殿校書

和宇文內史人重陽閣

精
忝在司水看治渭橋

考四
北園新齊成應趙王教

同會河陽公新造山池聊得寓目

登州中新閣

歲晚出衡門

北園射堂新成

卷四

詩

園庭

歸田

寒園卽目

幽居值春

臥疾窮愁

山齋

望野

蒙賜酒

奉報趙王惠酒

有喜致醉

喜晴應詔
勅自疏韻

同顏大夫初晴

奉和趙王喜雨

和李司錄喜雨

郊行值雪

奉和趙王西京路春日

奉和夏日應令

和樂儀同苦熱

和裴儀同秋日

詠園花

西門豹廟

和王少保遙傷周處士

傷王司徒衰

仰和何僕射還宅懷故

送吳法師墓

卷五

詩

和人日晚景宴昆明池

對宴齊使

聘齊秋晚館中飲酒

奉和瀋池初成清晨臨泛

和吳法師遊昆明池二首

見遊春人

別周尚書弘正

別張洗馬樞

別庾七入蜀

將命使北始渡瓜步江

反命河朔始入武州

冬狩行四韻連句應詔

和王內史從駕狩

入道士館

奉和永豐殿下言志十首

率爾成詠

慨然成詠

奉和賜曹美人

和趙王看伎

奉荅賜酒

奉荅賜酒鶯

正旦蒙趙王賚酒

衛王贈桑落酒奉荅

就蒲州使君乞酒

蒲州刺史中山公許乞酒一車未送

答王司空餉酒

舟中望月

望月

對雨

喜晴

詠春近餘雪應詔

奉和初秋

晚秋

和潁川公秋夜

詠畫屏風詩二十四首

贈周處士

尋周處士弘讓

鏡

梅花

詠樹

鬪雞

應令

杏花

卷六

詩

集周公處連句

寄徐陵

寄王琳

奉和趙王

和劉儀同臻

和庾四

和侃法師三絕

送周尚書弘正二首

重別周尚書二首

贈別

徐報使來止得一相見

行途賦得四更應詔

和江中賈客

奉和平鄴應詔

送衛王南征

仙山二首

山齋

野步

山中

閨怨

和趙王看妓

看舞

聽歌一絕

暮秋野興賦得傾壺酒

對酒

春日極飲

春望

新月

秋日

望渭水

塵鏡

和淮南公聽琴聞絃斷

弄琴二首

詠羽扇

題結綫袋子

賦得鸞臺

賦得集池雁

詠雁

忽見檳榔

賦得荷

移樹

奉梨

傷往二首

春日離合二首

和迴文

聞疾封中錄

示封中錄二首

秋夜望單飛雁

代人傷往二首

卷七

郊廟歌辭

周祀圓丘歌十二首

昭夏

皇夏

昭夏

昭夏

皇夏

雲門舞

雲門舞

登歌

皇夏

雍夏

皇夏

皇夏

周祀方澤歌四首

昭夏

昭夏

登歌

皇夏

周祀五帝歌十二首

皇夏

皇夏

青帝雲門舞

配帝舞

赤帝雲門舞

配帝舞

黃帝雲門舞

配帝舞

白帝雲門舞

配帝舞

黑帝雲門舞

配帝舞

周宗廟歌十二首

皇夏

昭夏

皇夏

皇夏

皇夏

皇夏

皇夏

皇夏

皇夏

皇夏

皇夏

皇夏

周大裕歌二首

昭夏

登歌

燕射歌辭

周五聲調曲二十四首

宮調曲五首

變宮調二首

商調曲四首

角調曲二首

徵調曲六首

羽調曲五首

卷八

表

賀平鄴都表

賀新樂表

爲閻大將軍乞致仕表

代人乞致仕表

齊王進白兔表

齊王進蒼烏表

齊王進赤雀表

爲晉陽公進玉律秤天斗升表

進象經表

賀傳位於皇太子表

爲杞公讓宗師驃騎表

功臣不死王事請門襲封表

卷九

啓

謝滕王集序啓

答趙王啓

謝趙王示新詩啓

謝趙王賚絲布等啓

謝趙王賚絲布啓

謝趙王賚絲布啓

謝趙王賚白羅袍袴啓

謝趙王賚巾啓

謝明皇帝賜絲布等啓

謝趙王賚犀帶等啓

謝趙王賚米啓

謝趙王賚乾魚啓

謝滕王賚馬啓

謝滕王賚猪啓

謝趙王賚馬并織啓

謝趙王賚雉啓

卷十

連珠

擬連珠三十六首

卷十一

書

爲上黃侯世子與婦書

序

趙國公集序

傳

周使持節大將軍廣化郡開國公丘乃敦崇

傳

教

答移市教

文

移齊河陽執事文

移齊河陽執事文

移虜留使文

卷十二

讚

黃帝見廣成子讚

堯登壇受圖讚

舜舞干戚讚

禹渡江讚

湯解祝網讚

文王見呂尚讚

武丁迎傅說讚

成王刻桐葉封虞讚

漢高祖置酒沛宮讚

漢武帝聚書讚

袁盎諫文帝讚

朱雲折檻讚

周公戒伯禽讚

五月披裘負薪讚

王祥扣冰魚躍讚

孫叔敖逢蛇讚

高鳳好書不知流麥讚

張良遇黃石公讚

師尚父授丹書讚

榮啓期三樂讚

夫子見程生讚

鉏麇見趙盾讚

蔡澤就唐生相讚

李陵蘇武別讚

樊噲見項王讚

秦穆王飲盜駿馬讚

延陵季子遇徐君讚

鶴讚

銘

秦州天水郡麥積崖佛龕銘

并序

終南山義谷銘

玉帳山銘

吹臺山銘

望美人山銘

至仁山銘

明月山銘

行雨山銘

刀銘三首

思舊銘

卷十三

碑

陝州弘農郡五張寺經藏碑

周上柱國齊王憲神道碑

周太子少保步陸碑

周大將軍崔說神道碑

周大將軍司馬裔碑

周柱國大將軍拓拔險神道碑

溫湯碑

卷十四

碑

周柱國大將軍紇于弘神道碑

周柱國大將軍大都督同州刺史余綿永神
道碑

周車騎大將軍賀婁公神道碑

周上柱國宿國公河州都督普屯威神道碑

銘

周柱國楚國公岐州刺史慕容公神道碑

周交州刺史廣饒公宇文公神道碑

周隴右總管長史贈太子少保豆盧公神道

碑

卷十五

誌銘

周大將軍襄成公鄭偉墓誌銘

周驃騎大將軍開府侯莫陳道生墓誌銘

周車騎大將軍贈小司空宇文顯墓誌銘

周大將軍琅琊莊公司馬裔墓誌銘

周大將軍懷德公吳明徹墓誌銘

周大將軍上開府廣饒公鄭常墓誌銘

周大將軍聞嘉公柳遐墓誌

故周大將軍義興公蕭公墓銘

故周大將軍趙公墓銘

卷十六

誌銘

周譙國公夫人步陸孤氏墓誌銘

周趙國公夫人紇豆陵氏墓誌銘

周安昌公夫人鄭氏墓誌銘

周大將軍隴東郡公侯莫陳君夫人竇氏墓

誌銘

周冠軍公夫人烏石蘭氏墓誌銘

周太傅鄭國公夫人鄭氏墓誌銘

後魏驃騎將軍荊州刺史賀拔夫人元氏墓

誌銘

周大都督陽林伯長孫瑕夫人羅氏墓誌銘
周儀同松滋公拓跋競夫人尉遲氏墓誌銘
周驃騎大將軍開府儀同三司冠軍伯柴烈
李夫人墓誌銘

彭城公夫人爾朱氏墓誌銘

伯母東平郡夫人李氏墓誌銘

庚子山集目錄終

庾子山集卷一

北周新野庾信著

明東海屠隆評

賦

三月三日華林園馬射賦

并序

臣聞堯以仲春之月刻玉而遊河舜以甲子之朝披圖而巡洛夏后瑤臺之上或御二龍周王玄圃之前猶驂八駿我大周之創業也南正司天北正司地平九黎之亂定三危之罪雲紀御官鳥司從職皇王有秉歷之符玄珪有成功之瑞豈直天地合德日月光

華而已哉。皇帝以上聖之姿，膺下武之運，通乾象之
露，啓神明之德。夷典秩宗，見之三禮；夔爲樂正，聞之
九成。克已備於禮容，威風總於戎政。加以卑躬菲食，
阜帳絺衣。百姓爲心，四海爲念。西郊不雨，卽動皇情。
東作未登，彌迴天眷。兵革無會，非有待於舟鳥。宮觀
不移，故無勞於白鷺。銀瓮金船，山車澤馬。豈止竹簟
兩草，共垂甘露。青赤三氣，同爲景星。雕題鑿齒，識海
水而來。王鳥弋黃皮，驗東風而受吏。于時玄鳥司曆，
蒼龍御行。羔獻冰開，桐葉萍生。皇帝幸於華林之園，

棘帽青紅
燦爛注射

玉衡正而太階平。闔闔開而勾陳轉。千乘雷動。萬騎
雲屯。落花與芝蓋同飛。楊柳共春旗一色。乃命羣臣
陳大射之禮。雖行被襖之飲。卽用春蒐之儀。止立行
宮。裁舒帳殿。階無玉壁。旣異河間之碑。戶不金鋪。殊
非許昌之賦。洞庭旣張。承雲乃奏。騶虞九節。狸首七
章。正繪五彩之雲。壺寧百福之酒。唐弓九合。冬幹春
膠。夏箭三成。青莖赤羽。於是選朱汗之馬。校黃金之
埒。紅陽飛鵲。紫燕晨風。唐成公之驩驩。海西侯之千
里。莫不飲羽御竿。吟猿落鴈。鐘鼓震地。埃塵漲天。酒

以曩行。銷由鼎進。彩則錦市俱移。錢則銅山合徙。太
史聽鼓而論功。司馬張旃而賞獲。上則雲布雨施。下
則山藏海納。實天地之至樂。景福之歡欣者也。既若
木將低。金波欲上。天顧惟穆。賓歌惟醉。雖復暫離北
闕。聊宴西城。卽同鄴水之朝。更是岐山之會。小臣不
舉。奉詔爲文。以管窺天。以蠡酌海。盛德形容。豈陳梗
槩。

歲次昭陽。月在大梁。其日上巳。其時少陽。春史司職。
青祇效祥。徵萬騎於平樂。開千門於建章。屬車釀酒。

只此八字

便覺無限

透迤筆端

有縮地神

法

姿韻嫺然

複道焚香。皇帝翊四圍於帝閑。迴六龍於天苑。對宣
曲之平林。望甘泉之長坂。華蓋平飛。風鳥細轉。路直
城遙。林長。騎遠。帷宮宿設。帳殿開筵。傍臨細柳。斜界
宜年。開鶴列之陣。靡魚鬚之旃。行漏抱刻。前旌載鳶。
河湄薙草。渭口澆泉。珊瑚雲五色。的暈重園。陽管既調。
春絃實撫。摠章協律。成均樹羽。翔鳳爲林。靈芝爲圃。
草銜長帶。桐垂細乳。鳥嘯歌來。花濃雪聚。玉律調鐘。
金鐃節鼓。於是咀銜拉鐵。逐日追風。并試長楸之埒。
俱下蘭池之宮。鳴鞭則汗赭入埒。則塵紅。既觀賢於

華而能實
縱而能收
便覺緒白
馬射雉之
爲煩

大射乃頒政於司弓。變三驅而畫鹿。登百尺而懸熊。繁弱振地。鐵驪蹋空。禮正六耦。詩歌九節。七札俱穿。五靶同穴。弓如明月。對棚馬似浮雲。向埒鴈失羣。而行斷猿求林。而路絕控玉勒。而搖星跨金鞍。而動月。乃有六郡良家。五陵豪選。新廻馬邑之兵。始罷龍城之戰。將軍戎服來叅。武讎尚帶流星。猶乘奔電。始聽鼓而唱籌。卽移竿而標箭。馬噴沾衣。塵驚灑面。石堰水而澆園。花乘風而繞殿。熊耳刻杯。飛雲畫壘。水衡之錢。山積織室。之錦霞開。司筵賞至。酒正杯來。至樂

則賢乎秋水。歡笑則勝上春臺。既而日下澤宮。筵闌相圃。悵徒蹕之畱歡。眷迴鑿之餘舞。欲使石梁銜箭。銅山飲羽。橫弧於楚水之蛟。飛鏃於吳亭之虎。况復恭已無爲。南風在斯。非有心於挺翼。豈畱情於戟枝。唯觀揖讓之禮。蓋取威雄之儀。

小園賦

若夫一枝之上。巢父得安。巢之所。一壺之中。壺公有容身之地。况乎管寧藜牀。雖穿而可坐。嵇康鍛竈。既煖而堪眠。豈必連闈洞房。南陽樊重之第。綠墀青瑣。

柳郎中詞
調全在此
想出

西漢王根之宅。余有數畝弊廬。寂寞人外。聊以擬伏
臘。聊以避風霜。雖復晏嬰近市。不求朝夕之利。潘岳
面城。且適閑居之樂。况乃黃鶴戒露。非有意於輪軒。
爰居避風。本無情於鐘鼓。陸機則兄弟同居。韓康則
舅甥不別。蝸角蚊睫。又足相容者也。爾乃窟室徘徊。
聊同鑿坯。桐間露落。柳下風來。琴號珠柱。書名玉杯。
有棠梨而無館足。酸棗而非臺。猶得欹側八九丈。縱
橫數十步。榆柳三兩行。黎桃百餘樹。撥蒙密兮見窓
行。欹斜兮得路。蟬有翳兮不驚。雉無羅兮何懼。草樹

諫家小賦
亦從子山
脫胎

混淆。枝格相交。山爲簣覆。地有堂坳。藏狸竝窟。乳鵲
重巢。連珠細菌。長柄寒匏。可以療饑。可以棲遲。敝
兮狹室。穿漏兮茅茨。簷直倚而妨帽。戶平行而礙眉。
坐帳無鶴。支牀有龜。鳥多閑暇。花隨四時。心則歷陵
枯木。髮則睢陽亂絲。非夏日而可畏。異秋天而可悲。
一寸二寸之魚。三竿兩竿之竹。雲氣蔭於叢著。金精
養於秋菊。棗酸梨酢。桃褫李萸。落葉半床。狂花滿屋。
名爲野人之家。是謂愚公之谷。試偃息於茂林。廼久
美於抽簪。雖有門而長閉。實無水而恒沉。三春負鋤

相識五月披裘見尋問葛洪之藥性。訪京房之卜林。
草無忘憂之意。花無長樂之心。鳥何事而逐酒。魚何
情而聽琴。加以寒暑異令。乖違德性。崔駟以不樂損
年。吳質以長愁養病。鎮宅神以薶石。厭山精而照鏡。
屢動莊舄之吟。幾行魏顆之命。薄晚閑閨。老幼相攜。
蓬頭王霸之子。椎髻梁鴻之妻。焦麥兩甕。寒菜一畦。
風騷騷而樹急。天慘慘而雲低。聚空倉而雀噪。驚懶
婦而蟬嘶。昔草濫於吹噓。籍文言之慶餘。門有通德。
家承賜書。或陪玄武之觀。時參鳳皇之墟。觀受釐於

宣室賦垂楊於直廬，遂乃山崩川竭，水碎瓦裂，大盜
潛移，長離永滅，摧直轡於三危，碎平途於九折，荆軻
有寒水之悲，蘇武有秋風之別，關山則風月悽愴，隴
水則肝腸斷絕，龜言此地之寒，鶴訝今年之雪，百靈
兮倏忽，精華兮已晚，不雪鴈門之跡，先念鴻陸之遠，
非淮海兮可變，非金丹兮能轉，不暴骨於龍門，終低
頭於馬坂，諒天造兮昧昧，嗟生民兮渾渾。

竹杖賦

桓宣武平荊州，外白有稱，楚丘先生來詣門下，桓公

曰名父之子流離江漢孤之責矣及令引進乃曰噫
子老矣鶴髮鷄皮蓬頭歷齒迺是江漢英靈衡荆杞
梓雖有聞於十室幸無求於千里寡人有銅環靈壽
銀角桃枝開木瓜而未落養蓮花而不萎迎仙客於
錦市送遊龍於葛陂先生將以養老將以扶危先生
笑而言曰中國明於禮義闇於知人心之憂矣惟我
生民雖復疎條勁栢促節貞筠杖端刻鳥角首圖麟
豈能相予此疾將予此身若乃世變市朝年移陵谷
猿吟鷹厲風霜慘黯楚漢爭衡袁曹競逐獸食無草

禽巢無木。于時無懼而慄。不寒而戰。胡馬哀吟。羌笳
悽轉。親友離絕。妻孥流轉。玉關寄書。章臺留劍。寒關
悽愴。羈旅悲涼。疏毛抵於增繳。脆骨被於風霜。髮種
種而愈短。眉鬢鬢而競長。是以憂幹扶疎。悲條鬱結。
宿昔儻醜。俄然耆耄。變田鳳於承宮。改陽文於醜茂。
潘岳秋興。嵇生倦遊。桓譚不樂。吳質長愁。竝皆年華
未暮。容貌先秋。予此衰矣。雖然有以。非鬼非蜮。乃心
憂矣。未見從心。先求順耳。伯玉何嗟。丘明惟恥。拉虎
押熊。余猶稚童。觀形察貌。子實悲翁。別有九棘。龐眉。

三槐暮齒。孔光謝病。袁逢致仕。吳凜不朝。楊彪喪子。明公此贈。或非乖理。先生乃歌曰。秋藜促節。白藿同心。終堪荷蓀。自足驅禽。一傳大夏。空成鄧林。

叩竹杖賦

沉冥子遊巴山之岑。取竹於北陰。嫵媚高節。寂歷無心。霜風色若露。染班深。每與龍鍾之族。幽翳沉沉。文不自殊。質而見賞。蘊諸鳴鳳之律。制以成龍之杖。拔條勁直。璘斌色滋。和輪人之不重。待羽容以相貽。青春欲暮。白雲來遲。謀於長者。操以從之。執末而獻。無

因自持諸蔗。雖甘不可以倚。彼藜雖實。不可以美。未
若處不材之間。當有用之始。魯分以爵。漢錫以年。昔
尚爾齒。今優我賢。書橫機玉。塵筵則函。之以後。拂
之以前。爾其摘芳林。沼行樂。軒除間尊卑之垂悅。隨
上下之遊夫。寄根江南。森森幽潭。傳節大夏。悠悠廣
野。豈比夫接君堂上之履。爲君座右之銘。而得與綺
紳瑤珮。出芳房於蕙庭。

哀江南賦

并序

粵以戊辰之年。建亥之月。大盜移國。金陵瓦解。余乃

竄身荒谷。公私塗炭。華陽奔命。有去無歸。中興道銷。
窮于甲戌。三日哭于都亭。三年囚於別館。天道周星。
物極不反。傳燮之但悲。身世無處。求生哀安之每念。
王室自然。流涕昔桓君山之志士。杜元凱之平生。竝
有著書。咸能自序。潘岳之文彩。始述家風。陸機之詞
賦。先陳世德。信年始二毛。卽逢喪亂。貌是流離。至於
暮齒。燕歌遠別。悲不自勝。楚老相逢。泣將何及。畏南
山之雨。忽踐秦庭。讓東海之濱。遂食周粟。下亭漂泊。
高橋羈旅。楚歌非取樂之方。魯酒無忘憂之用。追爲

華屋山丘
之句涕淚
千古讀此
猶覺未工

蔚宗高才
絕學詆毀
性古常自
譽其著書

此賦聊以記言。不無危苦之詞。唯以悲哀爲主。日暮
塗遠。人間何世。將軍一去。大樹飄零。壯士不還。寒風
蕭瑟。荆壁睨柱。受連城而見欺。載書橫階。捧珠盤而
不定。鍾儀君子。入就南冠之囚。季孫行人。留守西河
之館。申包胥之頓地。碎之以首。蔡威公之淚盡。加之
以血。釣臺移柳。非玉關之可望。華亭鶴唳。非河橋之
可聞。孫策以天下爲三分。衆纔一旅。項籍用江東之
子弟。人唯八千。遂乃分裂山河。宰割天下。豈有百萬
義師。一朝卷甲。芟夷斬伐。如草木焉。江淮無涯。岍之

不減過秦
論子山此
序亦以過
秦爲祖禱

阻亭壁無藩籬之固。頭會箕歛者。合從締交。鋤耨棘
矜者。因利乘便。將非江表王氣。終於三百年乎。是知
併吞六合。不免軹道之災。混一車書。無救平陽之禍。
嗚呼。山嶽崩頽。旣履危亡之運。春秋迭代。必有去故
之悲。天意人事。可以悽愴傷心者矣。况復舟楫路窮。
星漢非乘槎可上。風颭道阻。蓬萊無可到之期。窮者
欲達其言。勞者須歌其事。陸士衡聞而撫掌。是所甘
心。張平子見而陋之。固其宜矣。

我之掌庾承周。以世功而爲族。經邦佐漢。用論道而

製源於
東征諸作

彼塵境而
追感茲撫
事而動愁
句頗涉序
時為之也
然江南事
實非弘麗
之材不可
組織此賦
驅舊典以
入新杼
時蹤於權
古蹟故應
獨步一時

當官稟嵩華之玉石。潤河洛之波瀾。居負洛而重世。
邑臨河而晏安。逮永嘉之艱虞。始中原之乏主。民枕
倚於墻壁。路交橫於豺虎。值五馬之南奔。逢三星之
東聚。彼凌江而建國。始播遷於吾祖。分南陽而賜田。
裂東嶽而胙土。誅茅宋玉之宅。穿徑臨江之府。水木
交運。山川崩竭。家有直道。人多全節。訓子見於純深。
事君彰於義烈。新野有生祠之廟。河南有胡書之碣。
况乃少微真人。天山逸民。階庭空谷。門巷蒲輪。移談
講樹。就簡書筠。降生世德。載誕貞臣。文詞高于甲觀。

模楷盛於漳濱。嗟有道而無鳳。歎非時而有麟。既奸
回之曩匪。終不悅於仁人。王子濱洛之歲。蘭成射策
之年。始含香於建禮。仍矯翼於崇賢。遊游雷之講肆。
齒明離之胄筵。既傾蠡而酌海。遂測管而窺天。方塘
水白。釣渚池圓。侍戎韜於武帳。聽雅曲於文絃。乃解
懸而通籍。遂崇文而會武。居笠輟而掌兵。出蘭池而
典午。論兵於江漢之君。拭玉於西河之主。于時朝野
歡娛。池臺鐘鼓。里爲冠蓋。門成鄒魯。連茂苑於海陵。
跨橫塘於江浦。東門則鞭石成橋。南極則鑄銅爲柱。

陵

棋擬偏安
逸豫之狀
可爲發笑

橘則園植萬株。竹則家封千戶。西賁浮玉。南琛沒羽。
吳歛越吟。荆艷楚舞。草木之遇陽春。魚龍之逢風雨。
五十年中。江表無事。班超爲定。遠之侯。王歛爲和。親
之使。馬武無預於甲兵。馮唐不論於將帥。豈知山嶽
闐然。江湖潛沸。漁陽有閭左戍卒。離石有將兵都尉。
天子方刪詩書。定禮樂。設重雲之講。開七林之學。談
劫燼之灰。飛辯常星之夜。落地平魚齒。城危獸角臥。
刀斗於滎陽。絆龍媒於平樂。宰衡以干戈爲兒戲。縉
紳以清談爲廟略。乘瀆水以膠船。馭奔駒以朽索。小

聰辨強議
善于談論
者多壞人
國家

人則將及水火。君子則方成猿鶴。弊箠不能救鹽池之鹹。阿膠不能止黃河之濁。既而魴魚頰尾。四郊多壘。殿狎江。鷗宮鳴野。雉湛盧。去國餘艤。失水見被髮。於伊川。知百年而爲戎矣。彼姦逆之熾盛。久遊魂而放命。大則有鯨。有鯢。小則爲梟。爲獍。負其牛羊之力。肆其水草之性。非玉燭之能調。豈璿璣之可正值。天下之無爲。尚有欲於羈縻。飲其琉璃之酒。賞其虎豹之皮。見胡柯於大夏。識鳥卵于條枝。豺牙密厲。虺毒潛吹。輕九鼎而欲問。聞三川而遂窺。始則王子召戎。

極表風事
寓得奕奕

姦臣介冑。旣官政而離邊。遂師言而泄漏。望廷尉之
逋囚。反淮南之窮寇。出狄泉之蒼鳥。起橫江之困獸。
地則石鼓鳴山。天則金精動宿。北闕龍吟。東陵麟鬪。
爾乃桀黠構扇。馮陵畿甸。擁狼望於黃圖。填廬山於
赤縣。青袍如草。白馬如練。天子履端廢朝。單于長圍
高宴。兩觀當戟。千門受箭。白虹貫日。蒼鷹擊殿。竟遭
夏臺之禍。終視堯城之變。官守無奔。問之人。干戚非
平戎之戰。陶侃空爭米船。顧榮虛搖羽扇。將軍歿綏
路絕。重圍烽隨。星落書逐。鳶飛。乃韓分趙裂。鼓臥旗

折失群班馬。迷輪亂轍。猛士嬰城。謀臣卷舌。昆陽之戰。象走林常山之陣。地奔穴五郡。則兄弟相悲。三州則父子離別。護軍慷慨。忠能死節。二世爲將。終於此滅。濟陽忠壯。身參末將。兄弟三人。義聲俱唱。主辱臣死。名存身喪。敵人歸元。三軍悽愴。尚書多美。守備是長。雲梯可拒。地道能防。有齊將之閉壁。無燕師之臥墻。大事去矣。人之云亡。甲子奮發。勇氣咆勃。實總元戎。身先士卒。胄落魚門。兵填馬窟。屢犯通中。頻遭刮骨。功業天枉。身名埋沒。或以隼翼鷲披。虎威狐假。沾

王子深作

燕歌妙盡

塞北苦寒

之致方爲

譎構故於

敗亡之狀

極意描寫

採摭纒周

筆陣雄奇

有蹙踏龍

關擊開金

銀之勢

漬鋒鏑。脂膏原野。兵弱虜強。城孤氣寡。聞鶴唳而虛
驚。聽胡笳而淚下。據神亭而亡戟。臨橫江而棄馬。崩
於鉅鹿之沙。碎於長平之瓦。於是桂林顛覆。長洲麋
鹿。潰潰沸騰。茫茫塏蹟。天地離阻。人神慘酷。晉鄭靡
依。魯衛不睦。競動天關。爭迴地軸。探雀殼而未飽。待
熊蹯而詎熟。乃有車側郭門。筋懸廟屋。鬼同曹社之
謀。人有秦庭之哭。爾乃假刻璽於關塞。稱使者之酌
對。逢鄂坂之譏嫌。值彤門之征稅。乘白馬而不前。策
青騾而轉礙。吹落葉之扁舟。飄長風於上游。彼鋸牙

而鈎爪又巡江而習流。排青龍之戰艦。闖飛鸞之船樓。張遼臨於赤壁。王濬下於巴丘。乍風驚而射火。或箭重而沉舟。未辨聲於黃蓋。已先沉於杜侯。落帆黃鶴之浦。藏船鸚鵡之洲。路已分於湘漢。星猶看於斗牛。若乃陰陵路絕。釣臺斜起。望赤岬而沾衣。躡烏江而不渡。雷池柵浦。鵠陵焚戍。旅舍無煙。巢禽無樹。謂荆衡之杞梓。庶江漢之可恃。淮海維揚。三千餘里。過漂渚而寄食。託蘆中而渡水。屈于七澤。濱于十死。嗟天保之未定。見殷憂之方始。本不達於危行。又無情

夢秀之歌
猶有遺響

於祿仕。謬掌衛於中軍。濫尸承於御史。信生世等於
龍門。辭親同於河洛。奉立身之遺訓。受成書之顧託。
昔三世而無慙。今七葉而方落。泣風雨於梁山。惟枯
魚之銜索。入欹斜之小徑。掩蓬藿之荒扉。就汀洲之
杜若。待蘆葦之單衣。于時西霸楚王。劍及繁陽。麾兵
金匱。校戰玉堂。蒼鷹赤雀。鐵舳牙檣。沉白馬而誓衆。
負黃龍而渡江。海潮迎艦。江萍送王。戎軍屯於石城。
戈船掩于淮泗。諸侯則鄭伯前驅。盟主則荀瑩暮至。
剖巢燻穴。奔虺走魅。埋長狄於駒門。斬蚩尤於中冀。

松栢之祿
尚未暢情

通明有詩
曰豈悟昭
陽殿遂作
單于宮本
此

然腹爲燈。飲頭爲器。直虹貫壘。長星屬地。昔之虎據
龍盤。加以黃旗紫氣。莫不隨狐兔而窟穴。與風塵而
殄悴。西瞻博望。北臨玄圃。月榭風臺。池平樹古。倚弓
於玉女窻。扉繫馬於鳳皇樓。柱仁壽之鏡。徒懸茂陵
之書。空聚若夫立德立言。謨明寅亮。聲超於繫表。道
高於河上。更不遇於浮丘。遂無言於師曠。以愛子而
托人。知西陵而誰望。非無北闕之兵。猶有靈臺之仗。
司徒之表裏。經綸狐偃之惟王。實勤橫琯戈而對霸。
主執金鞭而問賊臣。平吳之功。壯於杜元凱。王室是

賴深於溫太真。始則地名全節。終則山稱枉人。南陽
投書去之已遠。上蔡逐獵知之何晚。鎮北之負譽矜
前。風颯凜然。水神遭箭。山靈見鞭。是以執熊傷馬。浮
蛟沒鳶。才子併命。俱非百年。中宗之夷凶。靜亂大雪
冤恥。去代邸而承基。遷唐郊而纂祀。反舊章於司隸。
歸餘風於正始。沉猜則方逞其欲。藏疾則自矜於已。
天下之事沒焉。諸侯之心搖矣。旣而齊交北絕。秦患
西起。况背闕而懷楚。冀端委而開吳。驅綠林之散卒。
拒驪山之叛徒。營軍梁滎。蒐乘巴渝。問諸淫昏之鬼。

瓜葛頌鶴
羽於同枝
適足自斃
可爲永鑒

切貼楚事
不泛擬覆
亡之轍誦
者細細咀
嚼方知作

求諸厭劾之巫。荆門遭廩延之戮。夏口濫達泉之誅。篋因親以致愛。恐和樂於彎弧。旣無謀於肉食。非所望於論都。未深思於五難。先自擅於三端。登陽城而避險。臥砥柱而求安。旣言多於忌刻。實志勇而刑殘。但坐觀於時變。本無情於急難。地惟黑子。城猶彈丸。其怨則躓。其盟則寒。豈寬禽之能塞海。非愚叟之可移山。况以沴氣朝浮。妖精夜殞。赤鳥則三朝夾日。蒼雲則七重圍軫。亡吳之歲旣窮。入郢之年斯盡。周舍鄭怒。楚結秦寃。有南風之不競。值西隣之責言。俄而

者苦心

兵至石甍
口占爲詩
而致憾於
文武亡主
之愚一至
于是

梯衝亂舞。冀馬雲屯。棧秦車於暢轂。杳漢鼓於雷門。
下陳倉而連弩。渡臨晉而橫船。雖復楚有七澤。人稱
三戶。箭不麗於六麋。雷無驚於九虎。辭洞庭兮落木。
去岑陽兮極浦。熾火兮焚旗。貞風兮害蠱。乃使玉軸
揚灰。龍文折柱。下江餘城。長林故營。徒思掛馬之秣。
未見燒牛之兵章。慢支以轂。走官之奇。以族行。河無
水而馬渡。關未曉而雞鳴。忠臣解骨。君子吞聲。章華
望祭之所。雲夢僞遊之地。荒谷繼於莫敖。冶父囚於
群帥。礪羿摺拉。鷹鷂批攢。冤霜夏零。憤泉秋沸。城崩

簡文常言
風動春朝
月明秋夜
早雁初鶯
開花落葉
樂於吟詠
豈知後世
敗亾之禍

杞婦之哭。竹染湘妃之泪。水毒秦涇。山高趙陘。十里
五里。長亭短亭。饑隨螿鶯。暗逐流螢。秦中水黑。關上
泥青。於時瓦解水泮。風飛雹散。渾然千里。淄澠一亂。
雪暗如沙。冰橫似岸。逢赴洛之陸機。見離家之王粲。
莫不聞隴水而掩泣。向關山而長嘆。况復君在交河。
妾在清波。石望夫而逾遠。山望子而逾多。才人之憶。
代郡公子之去。清河柳楊亭有離別之賦。臨江王有
愁思之歌。別有飄飄武威。羈旅金微。班超生而望逐。
温序死而思歸。李陵之雙鳧。永去蘇武之一鴈。空飛。

若江陵之中否。乃金陵之始禍。雖借人之外力。實蕭
墻之內起。撥亂之主忽焉。中興之宗不祀。伯兮叔兮。
同見戮於猶子。荆山鵲飛而玉碎。隨岸虵生而珠死。
鬼火亂於平林。殤魂遊於新市。梁故豐徙。楚實秦亡。
不有所廢。其何以昌。有媯之後。將育於姜。輸我神器。
居爲讓王。天地之大德曰生。聖人之大寶曰位。用無
賴之子弟。舉江東而全棄。惜天下之一家。遭東南之
反氣。以鶉首而賜秦天。何爲而此醉。且夫天道廻旋。
生民賴焉。余烈祖於西晉。始流播於東川。泊余身而

鍾儀楚語
莊舄越吟
首丘之思
今古齊轍
子山江南
之哀不媿
相累矣

七葉又遭時而北遷提挈老幼閔河累年死生契闊
不可問天况復零落將盡靈光歸然日窮于紀歲將
復始逼切危慮端憂暮齒踐長樂之神臯望宣平之
貴里渭水貫於天門驪山迴於地市幕府大將軍之
愛客丞相平津侯之待士見鐘鼎於金張聞絃歌於
許史豈知灞陵夜獵猶是故時將軍咸陽布衣非獨
思歸王子

傷心賦

并序

余五福無徵三靈有譴至於繼體多從天拆二男一

女竝得勝衣。金陵喪亂。相守亡歿。羈旅關河。倏然白首。苗而不秀。頻有所悲。一女成人。一長孫孩稚。奄然玄壤。何痛如之。旣傷卽事。追悼前亡。唯覺傷心。遂以傷心爲賦。若夫人入室生光。非復企及。夾河爲郡。前途逾遠。婕妤有自傷之賦。楊雄有哀祭之文。王正長有北郭之悲。謝安石有東山之恨。豈期然矣。至若曹子建。王仲宣。傅長虞。應德璉。劔韜之母。任延之親。書翰傷切。文詞哀痛。千悲萬恨。何可勝言。龍門之桐。其枝已折。卷施之草。其心實傷。嗚呼哀哉。

賦曰。悲哉秋風。搖落變衰。魂兮遠矣。何去何依。望思無望。歸來不歸。未達東門之意。空懼西河之譏。在昔金陵。天下喪亂。王室板蕩。生民塗炭。兄弟則五郡分張。父子則三州離散。地鼎沸於袁曹。人豺狼於楚漢。或有擁樹懼災。藏衣遭難。未設桑弧。先空栢館。人惟一丘。亭遂千秋。邊韶永恨。孫楚長愁。張武壯之心疾。羊南城之淚流。痛斯傳體。尋茲世載。天道斯慈。人倫此愛。膝下龍摧。掌中珠碎。芝在室而先枯。蘭生庭而蚤刈。命之修短。哀哉已滿。鶴聲孤絕。猿吟腸斷。羸博

影切巧妙
如洛納映
霞文懸浮
動

之間路似新安。藤緘轉。檣拊掩。虞棺不封。不樹。惟棘
惟欒。天慘慘而無色。雲蒼蒼而正寒。况乃流寓秦川。
飄颻播遷。從官非官。歸田不田。對玉關而羈旅。坐長
河而暮年。已觸目於萬恨。更傷心於九泉。至如三虎
二龍。三珠兩鳳。竝有山澤之靈。各入熊羆之夢。望隴
首而不歸。出都門而長送。對寶盃而痛心。撫玄經而
流慟。石華空服。犀角虛筮。風無少女。草不宜男。烏毛
徒覆。獸乳空含。震爲長男之宮。巽爲長女之位。在我
生年。先凋此地。人生幾何。百憂俱至。二王奉佛。二郗

奉道必至有期何能相保淒其零零颺馬秋草去矣
黎民哀哉仲仁冀羊祐之前識期張衡之後身一朝
風燭萬古埃塵丘陵兮何忍能留兮幾人

枯樹賦

殷仲文者風流儒雅海內知名世異時移出爲東陽
太守常忽忽不樂顧庭槐而歎曰此樹婆娑生意盡
矣至如白鹿貞松青牛文梓根柢盤魄山崖表裏桂
何事而銷亡桐何爲而半死昔之三河徙植九畹移
根開花建始之殿落實睢陽之園聲含嶰谷曲抱雲

庭前之槐
金隄之柳
起多少有
情人癡想
後以桓溫
作結乃知
大司馬遺
吳亦是可

見

有境必窮
無奇不造
當時南北
之雋如傳
粹道衡皆
出其下

門將雛集鳳比翼巢鴛臨風亭而唳鶴對月峽而吟
猿。迺有拳曲擁腫盤坳反覆熊虎顧盼魚龍起伏節
豎山連文橫水蹙匠石驚視公輸眩目雕鐫始就削
剛仍加平鱗鏟甲落角摧牙重重碎錦片片真花紛
披草樹散亂煙霞若夫松子古度平仲君遷森梢百
頃。槎枿千年秦則大夫受職漢則將軍坐馬莫不苔
埋菌壓鳥剝蟲穿或低垂於霜露或撼頓於風烟東
海有白木之廟西河有枯桑之社北陸以楊葉爲關
南陵以梅根作冶小山則叢桂畱人扶風則長松繫

馬。豈。獨。城。臨。細。柳。之。上。塞。落。桃。林。之。下。若。乃。山。河。阻。
絕。飄。零。離。別。拔。本。垂。淚。傷。根。瀝。血。火。入。空。心。膏。流。斷。
節。橫。洞。口。而。欹。臥。頓。山。腰。而。半。折。文。斜。者。百。圍。冰。碎。
理。正。者。千。尋。瓦。裂。戴。瘦。銜。痛。藏。穿。抱。穴。木。魅。矚。睽。山。
精。妖。孽。况。復。風。雷。不。感。羈。旅。無。歸。未。能。採。葛。還。成。食。
薇。沉。淪。窮。巷。蕪。沒。荆。扉。既。傷。摧。落。彌。嗟。變。衰。淮。南。子。
云。木。葉。落。長。年。悲。斯。之。謂。矣。乃。歌。曰。建。章。三。月。火。黃。
河。千。里。槎。若。非。金。谷。滿。園。樹。卽。是。河。陽。一。縣。花。桓。大。
司。馬。聞。而。嘆。曰。昔。年。種。柳。依。依。漢。南。今。看。摧。落。悽。愴。

借客形主
文家一大

供案

江潭樹猶如此人何以堪

春賦

宜春苑中春已歸。披香殿裏作春衣。新年鳥聲千種
轉。二月楊花滿路飛。河陽一縣併是花。金谷從來滿
園樹。一叢香草足礙人。數尺遊絲卽橫路。開上林而
競入。擁河橋而爭渡。出麗華之金屋。下飛燕之蘭宮。
釵朶多而訝重。髻鬟高而畏風。眉將柳而爭綠。面共
桃而競紅。影來池裏。花落衫中。苔始綠而藏魚。麥纔
青而覆雉。吹簫弄玉之臺。鳴佩凌波之水。移戚里而

梁簡文有
泉和影倒
寫花與而
相宜與此
暗合

顧野王陽
春歌未能
如此艷麗

家富人新豐。而酒美石榴。聊泛蒲桃。醞醅芙蓉。玉盤
蓮子金杯。新芽竹笋。細核楊梅。綠珠捧琴。至文君送
酒來。玉管初調。鳴絃暫撫。陽春淥水之曲。對鳳迴鸞
之舞。更炙笙簧。還移箏柱。月入歌扇。花承節鼓。協律
都尉。射雉中郎。停車小苑。連騎長楊。金鞍始被。柘弓
新張。拂塵看馬埽。分明入射堂。馬是天池之龍種。帶
乃荆山之玉梁。艷錦安天鹿。新綾織鳳皇。三日曲水
向河津。日晚河邊多解神。樹下流杯客。沙頭渡水人。
鏤薄窄衫袖。穿珠帖領巾。百丈山頭日欲斜。三瞞未

醉莫還家。池中水影懸勝鏡。屋裏衣香不如花。

七夕賦

兔月先上。羊燈次安。觀牛星之曜景。視織女之闌干。
於是秦娥麗妾。趙艷佳人。窈窕名燕。逶迤姓秦。嫌朝
妝之半故。怜晚拭之全新。此時併拾房櫳。共往庭中。
縷條繁而貫矩。針鼻細而穿中。

象戲賦

觀夫造作權輿。皇王厥初。法疑陰於厚德。仰冲氣於
清虛。於綠簡既開。丹局直正。理洞研幾。原窮作聖。若

好模擬

扣洪鍾。如懸明鏡。白鳳遙臨。黃雲高暎。可以變俗移風。可以莅官行政。是以局取諸乾。仍圖上玄。月輪新滿。日暈初圓。模羽林之華蓋。寫明堂之璧泉。坤以爲輿。剛柔卷舒。若方鏡而無影。似空城而未居。促成文之畫。亡靈龜之圖。馬麗千金之馬。符明六甲之符。於是措笏當次。依辰就席。迴地理於方珪。轉天文於圓璧。分荆山之美玉。數藍田之珉石。南行赤水之符。北使玄山之策。居東道而龍青出。西關而馬白。旣舒玄象。聊定金桴。昭日月之光景。乘風雲之性靈。取四方

象戲無所
不括鋪張
自應尔尔

之正色。用五德之相生。從月建而左轉。起黃鍾而順
行。陰翻則顧兔先出。陽變則靈烏獨明。况乃豫遊仁
壽。行樂徽音。水影搖日。花光照林。乍披圖而又玩。或
開經而熟尋。雖復成之於手。終須得之於心。乃有龍
燭銜花。金鑪浮氣。月落桂垂。星斜柳墜。猶豫樞機。嫌
疑涇渭。顧望迴惑。心情怖畏。應對坎而衝離。忽當申
而取未。

燈賦

九龍將暝。三爵行。樓瓊鈎。半上若木。全低窻藏。明於

玉屑濃香
噴溢而出
真可吐在
含沈鏤謝
凌顏

粉壁柳助暗於蘭。閨翡翠珠被。流蘇羽帳。舒屈膝之
屏風。掩芙蓉之行障。卷衣秦后之牀。送枕荆臺之上。
乃有百枝同樹。四照連盤。香添然。審氣雜燒。蘭燼長。
宵久。光青夜寒。秀華掩映。蛭膏照灼。動鱗甲於鯨魚。
燄。光芒於鳴鶴。蛾飄則碎。花亂下。風起則流星細落。
况復上蘭深夜。中山醕清。楚妃留客。韓娥合聲。低歌
著節。游絃絕鳴。輝輝朱燼。焰焰紅榮。乍九光而連彩。
或雙花而並明。寄言蘇季子。應知餘照情。

對燭賦

寫景入細

龍沙雁塞甲應寒。天山月沒客衣單。燈前桁杵疑不
亮。月下穿針覺最難。刺取燈花持桂燭。還却燈檠下
燭盤。鑄鳳銜蓮圖龍金眠。燼高疑數翦。心濕暫難然。
銅荷承淚蠟。鐵鉢染浮煙。本知雪光能映紙。復訝燈
花今得錢。蓮帳寒檠窻拂曙。筠籠熏火香。盈絮傍垂
細溜上。繞飛蛾光清寒入。談暗風過楚人纓。脫盡燕
君書誤多。夜風吹香氣隨。鬱金花芙蓉池。秦皇辟惡
不足道。漢武胡香何物奇。晚星沒芳蕪歇。還持照夜
遊。詭減西園月。

鏡賦

筆有妖姿

天河漸沒日輪將起。燕噪吳王。烏驚御史。玉花簪上
金蓮帳裏。始摺屏風。新開戶扇。朝光晃眼。早風吹面。
臨桁下而牽衫。就箱邊而著釧。宿鬟尚卷。殘粧已薄。
無復屑珠。纔餘眉萼。靨上星稀。黃中月落。鏡臺銀帶。
本出魏宮。能橫却月。巧挂迴風。龍垂匣外。鳳倚花中。
鏡乃照膽。照心難逢。難值。鑲五色之盤龍。刻千年之
古字。山雞看而獨舞。海鳥見而孤鳴。臨水則池中月
出。照日則壁上菱生。暫設粧奩。還抽鏡屨。競學生情。

巧盤

宛轉相生
如蘇若蘭
璇璣詩

爭憐今世鬢。齊故略眉平。猶剃飛花墀。子次第須安。
朱開錦踰黛。雜油檀脂和甲煎。澤漬香蘭。量髻鬢之
長短。度安花之相去。懸媚子於搔頭。拭釵梁於粉絮。
梳頭新罷。照著衣。還從粧處取將歸。暫看弦繫。懸知
纈縵。衫正身長。裙斜假襍。真成箇鏡。特相宜。不能片
時藏匣裏。暫出園中也自隨。

鴛鴦賦

虞姬小來事魏王。自有歌聲足繞梁。何曾織錦。未肯
挑桑。終歸薄命。著罷空牀。見鴛鴦之相學。還歎眼而

淚落南陽。清粉不復看。京兆新眉。遂嬾約。况復雙心
並翼。馴狎池籠。浮波弄影。刷羽乘風。共飛詹几。全開
魏宮。俱棲梓樹。堪是韓馮。若乃韓壽欲婚。溫嶠願婦。
玉臺不送胡香。未有必見。此之雙飛。覺空牀之難守。

蕩子賦

蕩子辛苦。逐征行。直守長城千里。城隴水恒冰。合關
山唯明月。况復空牀起怨。倡婦生離。紗窻獨掩。羅帳
長垂。新箏不弄。長笛羞吹。常年桂苑。昔日蘭閨。羅敷
總髮。弄玉初笄。新歌子夜。舊舞前溪。別後閨情。無復

亭草無人
隨意綠此
已逗出

情。奩。前。明。鏡。不。須。明。合。歡。無。信。寄。迴。紋。織。未。成。游。塵。
滿。牀。不。用。拂。細。草。橫。階。隨。意。生。前。日。漢。使。著。章。臺。聞。
道。夫。婿。定。應。迴。手。巾。還。欲。燥。愁。眉。卽。剩。開。逆。想。行。人。
至。迎。前。含。笑。來。

庚子山集卷一終

庾子山集卷二

北周新野庾信著

明東海屠隆評

樂府

對酒歌

春水望桃花，春洲籍芳杜。琴從綠珠借，酒就文君取。
牽馬向渭橋，日曝山頭脯。山簡接離倒，王戎如意舞。
箏鳴金谷園，笛韻平陽塢。人生一百年，歡笑惟三五。
何處覓錢刀，求爲洛陽賈。

昭君辭應詔

歛眉光祿塞，還望夫人城。片片紅顏落，雙雙淚眼生。
冰河牽馬渡，雪路抱鞍行。胡風入骨冷，夜月照心明。
方調琴上曲，變入胡笳聲。

王昭君

拭啼辭戚里，回顧望昭陽。鏡失菱花影，釵除却月梁。
圍腰無一尺，垂淚有千行。綠衫承馬汗，紅袖拂秋霜。
別曲真多恨，哀絃須更張。

出自薊北門行

薊門還北望，役役盡傷情。關山連漢月，隴水向秦城。

綺靡精工
可以招魂
復起

用撩擲選
更數字方
見少年豪
典

按虛詞古
來工者絕

筵寒蘆葉脆。弓凍紵弦鳴。梅林能止渴。複姓可防兵。
將軍朝挑戰。都護夜巡營。燕山猶有石。須勒幾人名。
結客少年場行

結客少年場。春風滿路香。歌撩李都尉。果擲潘河陽。
隔花遙勸酒。就水更移牀。今年喜夫婿。新拜羽林郎。
定知劉碧玉。偷嫁汝南王。

道士步虛詞

其一

渾成空教立。元始正圖開。赤玉靈文下。朱陵真氣來。

少唐家三
百年惟曹
堯賓一人
差能鋪瀟
然不能如
此婉轉

中天九龍館。倒景八風臺。雲度弦歌響。星移空殿迴。
青衣上少室。童子向蓬萊。逍遙聞四會。倏忽度三災。

其二

無名萬物始。有道百靈初。寂絕乘丹氣。玄明上玉虛。
三元隨建節。八景逐迴輿。赤鳳來銜璽。青鳥入獻書。
瓊機仍成機。枯魚還作魚。栖心浴日館。行樂止雲墟。

其三

凝真天地表。絕想寂寥前。有象猶虛豁。忘形本自然。
開經壬子世。值道甲申年。迴雲隨舞曲。流水逐歌弦。

石髓香如飯。芝房脆似蓮。停鸞譙瑤水。歸路上鴻天。

其四

道生乃太乙。守靜卽玄根。中和煉九氣。甲子謝三元。
居心受善水。教學重香園。鳧畱報關吏。鶴去盡城門。
更以忻無迹。還來寄絕言。

其五

洞靈尊上德。虞石會明真。要妙思玄化。虛無養谷神。
丹丘乘翠鳳。玄圃御斑麟。移藜付苑吏。種杏乞山人。
自此逢何世。從今復幾春。海無三尺水。山成數寸塵。

幸白鹿觀
應制詩紫
鳳真人却
班龍太上
家不得供
太白之抵

其六

東明九芝蓋。北燭五雲車。飄颻入倒景。出沒上煙霞。
春泉下玉雷。青鳥向金華。漢帝看桃核。齊侯問棗花。
上元應送酒。來向蔡經家。

其七

歸心遊太極。廻向入無名。五香芬紫府。千燈照赤城。
鳳林採珠寶。龍山種玉榮。夏簧三舌響。春鍾九乳鳴。
絳河應遠別。黃鵠來相迎。

其八

人主舉世
求仙多爲
所誤此詩
分散空三
字有諷意

曲終奏雅
與相如封
禪書一律

全本景純
遊仙詩

北闕臨玄水。南宮生絳雲。龍泥印玉策。大火煉真文。
上元風雨散。中天歌吹分。靈駕千尋上。空香萬里聞。
其九

地鏡堦基遠。天窓影迹深。碧玉成雙樹。空青爲一林。
鷓巢堪煉石。蜂房得煮金。漢武多驕慢。淮南不小心。
蓬萊人海底。何處可追尋。

其十

麟洲一海闊。玄圃半天高。浮丘迎子晉。若士避盧敖。
經餐林慮李。舊食綏山桃。成丹須竹節。刻髓用蘆刀。

無妨隱士去，卽是賢人逃。

俠客行

俠客重連鑣，金鞍被桂條。細塵障路起，驚花亂眼飄。
酒醺人半醉，汗濕馬全驕。歸鞍畏日晚，爭路上河橋。

從軍行

河圖論陣氣，金匱辨星文。地中間鼓角，天上下將軍。
函犀恒七屬，絡鐵本千羣。飛梯聊度絳，合弩暫凌汾。
寇陣先中斷，妖營卽兩分。連烽對嶺度，嘶馬隔河聞。
箭飛如疾雨，城崩似壞雲。英王於此戰，何用武安君。

烏夜啼

桂樹懸知遠風竿詎肯低。獨憐明月夜。孤飛猶未栖。
虎賁誰見惜。御史詎相攜。雖言入絃管。終是曲中啼。

怨歌行

家住金陵縣前。嫁得長安少年。回頭望鄉淚落。不知
何處天邊。胡塵幾日。應盡漢月。何時更圓。爲君能歌
此曲。不覺心隨斷弦。

舞媚娘

朝來戶前照鏡。含笑盈盈。自看眉心濃黛。直點額角。

字字流暢

摩詰當爲

却步

波俏輕盈

雲霞滿楮

輕黃細安。祗疑落花。謾去復道。春風不還。少年唯有
歡樂飲酒。那得留殘。

烏夜啼

逗出樂府
獨不見面
孔乃知古
詩不可不
看

促柱繁弦。非子夜。歌聲舞態。異前溪。御史府中何處
宿洛陽城頭。那得棲彈琴。蜀郡卓家女。織錦秦川寶
氏妻。詎不自驚。長淚落到頭。啼烏恒夜啼。

燕歌行

代北雲氣晝昏昏。千里飛蓬無復根。寒雁噉噉渡遼
水。桑葉紛紛落薊門。晉陽山頭無箭竹。疎勒城中乏

唐初歌行
轉折闕掠
皆步趨此

水源屬國征戍久離居。陽關音信絕能踈。願得魯連
飛一箭。持寄思歸燕。將書渡遼水。自有將軍寒風蕭。
蕭生水紋。妾驚甘泉足烽火。君訝漁陽少陣雲。自從
將軍出細柳。蕩子空牀難獨守。盤龍明鏡餉秦嘉。辟
惡生香寄韓壽。春分燕來能幾日。二月蠶眠不復久。
洛陽遊絲百丈連。黃河春冰千片穿。桃花顏色好如
馬榆筴。新開巧似錢蒲桃。一杯千日醉無事。九轉學
神仙。定取金丹作幾服。能令華表得千年。

楊柳歌

河邊楊柳百丈枝。別有長條踈地垂。河水衝激根株
危。倏忽河中風浪吹。可憐巢裡鳳凰兒。無故當年生
別離。流槎一去上天池。織女支機當見隨。誰言從來
蔭數國。直用東南一小枝。昔日公子出南皮。何處相
尋玄武陂。駿馬翩翩西北馳。左右彎弧仰月支。連錢
障泥渡水騎。白玉手板落盤螭。君言丈夫無意氣。試
問燕山那得碑。鳳凰新管簫史吹。朱鳥春窓玉女窺。
銜雲酒盃赤瑪瑙。照日食螺紫琉璃。百年霜露奄離
披。一旦功名不可爲。定是懷王作計誤。無事翻復用。

結得有情
繞梁而聲
不絕

張儀不如飲酒高陽池。日暮歸時倒接離。武昌城下
誰見移官渡。營前那可知。獨憶飛絮鵝毛下。非復青
絲馬尾垂。欲與梅花留一曲。共將長笛管中吹。

庚子山集卷二

119
119
119

庾子山集卷三

北周新野庾信著

明東海屠隆評

詩

奉和泛江

春江下白帝，畫舸向黃牛。
錦纜迴沙磧，蘭橈避荻洲。
濕花隨水泛，空巢逐樹流。
建平船柂下，荆門戰艦浮。
岸社多喬木，山城足剋樓。
日落江風靜，龍吟迥上游。

奉和山池

樂宮多暇豫，望苑暫迴輿。
鳴笳陵絕浪，飛蓋歷通渠。

琢句紅潤
如出海瑤
瑚

桂亭花未落。桐門葉半疎。荷風驚浴鳥。橋影聚行魚。
日落含山氣。雲歸帶雨餘。

陪駕幸終南山和宇文內史

玉山乘四載。瑤池宴八龍。龜橋浮少海。鷁蓋上中峰。
飛狐橫塞路。白馬當河衝。水奠三川石。山封五樹松。
長虹雙瀑布。圓闕兩芙蓉。戍樓鳴夕鼓。山寺響晨鐘。
新蒲節轉促。短筍籜猶重。樹宿含櫻鳥。花留釀蜜蜂。
迎風下列缺。灑酒召昌容。且欣陪北上。方欲待東封。

和宇文內史春日遊山

瑰奇宏麗
七寶莊嚴

後人作登
臨詩曾有
此句否

遊客值春輝。金鞍上翠微。
風逆花迎面。山深雲濕衣。
雁持一足倚。猿將兩臂飛。
戍樓侵嶺路。山村落獵圍。
道士封君達。仙人丁令威。
煮丹於此地。居然未肯歸。

遊山

聊登玄圃殿。更上增城山。
不知高幾里。低頭看世間。
唱歌雲欲聚。彈琴鶴欲舞。
澗底百重花。山根一片雨。
婉婉藤倒垂。亭亭松直豎。

和宇文京兆遊田

小苑禁門開。長楊獵客來。
懸知畫眉罷。走馬向章臺。

澗寒泉反縮。山晴雲倒回。熊餓自舐掌。雁驚獨銜枚。
美酒餘杭醉。芙蓉卽奉盃。

奉報寄洛州

舟師會孟津。甲子陳東隣。雷轅驚戰鼓。劍室動金神。
幕府風雲氣。軍門開塞人。長旂析鳥羽。合甲抱犀鱗。
星芒一丈燄。月暈七重輪。黎陽水稍淥。官渡柳應春。
無庸奉天蹕。驅傳牧南秦。繁詞勞簡牘。雜俗弊風塵。
上洛逢都尉。商山見逸民。留滯終南下。唯當一史臣。

奉報窮秋寄隱士

括盡樸率
真覺富不
如貧

王倪逢齧缺，桀溺偶長沮。
藜床負日卧，麥隴帶經鋤。
自然曲木几，無名科斗書。
聚花聊飼雀，穿池試養魚。
小村治遊路，低田補壞渠。
秋水牽沙落，寒藤抱樹疎。
空枉平原騎，來過仲蔚廬。

上益州上柱國趙王二首

銅梁影棠樹，石鏡寫寒帷。
兩江如漬錦，雙峯似畫眉。
穿荷低晚蓋，衰柳掛殘絲。
風流盛儒雅，泉湧富文詞。
無因同子淑，暫得侍臨淄。

寂寞歲陰窮，蒼茫雲貌同。
鶴毛飄亂雪，車轂轉飛蓬。

雁歸知向暖，鳥巢解背風。寒沙兩岸白，獵火一山紅。
願想懸鵝幣，時嗟陋巷空。

謹贈司寇淮南公

危邦久亂德，天策始乘機。九河聞誓衆，千里見連旂。
號亡垂棘返，齊平寶鼎歸。久弊風塵俗，殊勞關塞衣。
絆驥還千里，垂鵬更九飛。猶憐馬齒進，應念節旄稀。
迴軒入故里，園柳始依依。舊竹侵行徑，新桐益幾圍。
寒谷梨應重，秋林栗更肥。美酒還參聖，雕文本入微。
促歌迎趙瑟，遊絃召楚妃。小人司刺舉，明啟實濫吹。

南部治都尉，軍謀假建威。商山隱士石，丹水鳳凰磯。

野亭長被馬，山城早掩扉。傳呼擁絳節，交戟映彤闈。
遂令忘楚操，何但食周薇。三十六水變，四十九條非。
丹竈風煙歇，年齡蒲柳衰。同僚敢不盡，疇日懼難追。

正旦上司憲府

詰旦啓門闌，繁辭湧筆端。蒼鷹下獄吏，解豸飾刑官。
司朝引玉節，盟載捧珠盤。窮紀星移次，歸餘律未殫。
雪高三尺厚，冰深一丈寒。短筍猶埋竹，香心未起蘭。
孟門久失路，扶搖忽上搏。栖鳥還得府，棄馬復歸欄。

與駱賓王
幽紫書情
通簡知已
相類但彼
則方在坎
中此則由
因而亨耳

庚子山集卷三
四
榮華名義重，虛薄報恩難。枚乘還起疾，貢禹遂彈冠。
方垂蓮葉劍，未用竹根丹。一知懸象法，誰思垂釣竿。
任洛州酬薛文學見贈別

子居河之曲，英彥本連蹤。鹽形或變虎，鼎氣乍成龍。
若人承載德，宮牆定數重。五衢開辯路，四照起文烽。
曰余濫推轂，民願始天從。上洛分都尉，弘農開附庸。
羊腸連九阪，熊耳對雙峰。白石仙人芋，青林隱士松。
北梁送孫楚西堤別，葛龔故人倘書札，黎陽土足封。

將命至鄴酬祖王員

我皇臨九有，聲教洎無隄。典文盛禮樂，偃武息氓黎。
承乏驅騏驥，旌旗事璇珪。古碑文字盡，荒城年代迷。
被隴文瓜熟，交媿香穗低。投瓊實有慰，報李更無蹊。

將命至鄴

大國脩聘禮，親鄰自此敦。張旃事原隰，負屐報成言。
西過犯風露，北指度輶轅。交歡值公子，展禮覲王孫。
何以譽嘉樹，徒欣賦采繁。四牢盈折俎，三獻滿罍樽。
人臣無境外，何由欣此言。風俗旣殊阻，山河不復論。
無因旅南館，空欲祭西門。眷然惟此別，夙期幸共存。

恪守規矩
毫不走腔

自王仲宣
從軍詩化

來

庚子山集 卷三
入彭城館

襄君前建國、項氏昔稜威、鷗飛傷楚戰、鷄鳴悲漢圍、
年代殊、埃俗、風雲更盛衰、水流浮磬動、山喧雙翟飛、
夏餘花欲盡、秋近鶯將稀、槐庭垂綠穗、蓮浦落紅衣、
徒知日云暮、不見舞雩歸、

同州還

赤岸繞新村、青城臨綺門、范睢新入相、穰侯始出蕃、
上林催獵響、河橋爭渡喧、竄雉飛橫澗、藏狐入斷原、
將軍高宴晚、來過青竹園、

從駕觀講武

岑嘉州形
容武事美
麗極矣不
如此之雄
渾

校。戰。出。長。楊。兵。欄。入。鬪。場。置。陣。橫。雲。起。開。營。雁。翼。張。
門。嫌。磁。石。礙。馬。長。鐵。菱。傷。龍。淵。觸。牛。斗。繁。弱。駭。天。狼。
落。星。奔。驥。驟。浮。雲。上。驕。驕。急。風。吹。戰。鼓。高。塵。擁。貝。裝。
駭。猿。時。落。木。驚。鴻。屢。斷。行。樹。寒。條。更。直。山。枯。菊。轉。芳。
豹。略。推。全。勝。龍。圖。揖。所。長。小。臣。欣。寓。目。還。知。奉。會。昌。
奉報趙王出師在道賜詩

伏字妙絕

上。將。出。東。平。先。定。下。江。兵。彎。弓。伏。石。動。振。鼓。沸。沙。鳴。
橫。海。將。軍。號。長。風。駿。馬。名。雨。歇。殘。虹。斷。雲。歸。一。雁。征。

暗巖朝石濕。空山夜火明。低橋澗底渡。狹路花中行。
錦車同建節。魚軒異泊營。軍中女子氣。塞外夫人城。
小人乖攝養。岐路阻逢迎。幾月芝田熟。何年金竈成。
哀笳關塞曲。嘶馬別離聲。王子身爲寶。深思不倚衡。

和趙王送峽中軍

樓船聊習戰。白羽試搗軍。山城對却月。岸陣抵平雲。
赤虵懸弩影。流星抱劍文。胡笳遙警夜。塞馬暗嘶羣。
客行明月峽。猿聲不可聞。

奉和趙王途中五韻

飄飄映車幕，出沒望連旗。度雲還翊陣，迴風卽送師。
峽路沙如月，山峯石似眉。村桃拂紅粉，岸柳被青絲。
錦城遙可望，迴鞍念此時。

侍從徐國公殿下軍行

八風占陣氣，六甲候兵韜。置府仍張幕，麾軍卽秉旄。
長旗臨廣武，烽火照成臯。巡寒重挾纊，酌水勝單膠。
陣後雲逾直，兵深星轉高。電談驅龍馬，山精鏤寶刀。
塞迥翻榆葉，關寒落雁毛。旣得從神武，何須念久勞。

伏聞遊獵

羽獵之事
不難雄壯
難得如此
傳神

輕輕挑探

虞旗喜且晴。獵馬向山橫。石關魚貫上。梁鴈翅山行。
雪平尋兔跡。林藪聽雉聲。馬嘶山谷響。弓寒桑柘鳴。
聞弦鳥自落。望火獸空驚。無風樹卽正。不凍水還平。
誰知茂陵下。願入睢陽城。

見征客始還遇獵

貳師新受詔。長平正凱歸。猶言乘戰馬。未得解戎衣。
上林遇逐獵。宜春暫合圍。漢帝熊猶憤。秦王雉更飛。
故人迎借問。念舊始依依。河邊一片石。不復肯支機。

奉和闡弘二教應詔

玄元之德
無可贊矣
隨筆寫來
意象玲瓏
自成絕構

五明教已設。三元法復開。魚山將鶴嶺。清楚兩邊來。
香煙聚爲塔。花雨積成臺。空心論佛性。貞氣辨仙才。
露盤高掌滴。風鳥平翅迴。無勞問待詔。自識昆明灰。

至老子廟應詔

虛無推馭辯。寥廓本乘規。三門臨苦縣。九井對靈谿。
成丹須竹節。量藥用刀圭。石似臨邛芋。芝如封禪泥。
毳毛新鵠小。盤根古樹低。野戍孤煙起。春山百鳥啼。
路有三千別。途經七聖迷。唯當別關吏。直向流沙西。

奉和趙王遊仙

駘薄况味
霞舉雲高

讀此覺文
考靈光猶
帶脂粉

藏山還採藥。有道得從師。京兆陳安世。成都李意期。
玉京傳相鶴。太乙授飛龜。白石香新芋。青泥美熟芝。
山精逢照鏡。樵客值圍碁。石紋如碎錦。藤苗似亂絲。
蓬萊在何處。漢后欲遙祠。

奉和同泰寺浮圖

岩岩凌太清。照殿比東京。長影臨雙闕。高層出九城。
拱積行雲礙。幡搖度鳥驚。鳳飛如始泊。蓮合似初生。
輪重對月滿。鐸韻擬鸞聲。晝水流全住。圖雲色半輕。
露晚盤猶滴。珠朝火更明。雖連博望苑。還接銀沙城。

天香下桂殿，仙梵入伊笙。庶聞八解樂，方遣六塵情。
奉和法筵應詔

五城隣北極，百雉壯西崑。鈎陳橫複道，閭闔抵靈軒。
千柱蓮花塔，由旬紫柑園。佛影胡人記，經文漢語翻。
星窺朱鳥牖，雲宿鳳凰門。新禽解維嚙，春柳臥生根。
早雷驚蟄戶，流雪長河源。建始移交讓，微音種合昏。
風飛扇天辯，泉湧屬絲言。羈臣從散木，無以預中天。
遙可望，終類仰鵬弦。

和從駕登雲居寺塔

重巒千仞塔，危磴九層臺。石關恒逆上，山梁乍斗迴。
塔下雲峯出，窓前風洞開。隔嶺鐘聲度，中天梵響來。
平時欣侍從，於此暫徘徊。

和何儀同講竟述懷

無名卽講道，有動定論機。安經讓禮席，正業理儒衣。
似得遊焉趣，能同捨講歸。石渠人少歇，華陰市暫稀。
秋雲低晚氣，短景側餘輝。螢排亂草出，雁捨斷蘆飛。
別有平陵逕，蕭條客鬢衰。饑噪空倉雀，寒驚懶婦機。
實欣懷諛問，逢君理入微。

低側非捨
字無不細
秀

奉和趙王隱士

洛陽徵五隱，東都別二賢。雲氣浮函谷，星光集潁川。
霸陵採樵路，成都賣卜錢。鹿裘披稍裂，藜牀坐欲穿。
阮籍唯長嘯，嵇康訝一弦。澗險無平石，山深足細泉。
短松猶百尺，少鶴已千年。野鳥繁絃囀，山花焰火然。
洞風吹戶裏，石乳滴窓前。雖無亭長識，終見野人傳。

擬詠懷

有待雖非無聊實，是達人幽抱。往往有之。
步兵未飲酒，中散未彈琴。索索無真氣，昏昏有俗心。
澗酌常思水，驚飛每失林。風雲能變色，松竹且悲吟。

語意滯遠

有待雖非無聊實是
達人幽抱
往往有之

山來不得意。何必往長岑。

其二

赭衣居傅巖。垂綸在渭川。乘舟能上月。飛憶欲捫天。
誰知志不就。空有直如弦。洛陽蘇季子。連衡遂不連。
既無六國印。讎思二頃田。

其三

俎豆非所習。帷幄復無謀。不言班定遠。應爲萬里侯。
燕客思遼水。秦人望隴頭。倡家遭強聘。質子值仍留。
自憐才智盡。空傷年鬢秋。

太白操石
提月不徒
似其句且
傳句中之
神

其四

楚材稱晉用、秦臣卽趙冠、離宮延子產、羈旅接陳完、
寓衛非所寓、安齊獨未安、雪泣悲去魯、悽然憶相韓、
唯彼窮途慟、知余行路難、

其五

惟忠且惟孝、爲子復爲臣、一朝人事盡、身名不足親、
吳起嘗辭魏、韓非遂入秦、壯情已消歇、雄圖不復申、
移住華陰下、終爲關外人、

其六

疇昔國士遇。生平知己恩。直言珠可吐。寧知炭可吞。
一顧重尺璧。千金輕一言。悲傷劉孺子。悽愴史皇孫。
無因同武騎。歸守灞陵園。

其七

榆關斷音信。漢使絕經過。胡笳落淚曲。羌笛斷腸歌。
纖腰減束素。別淚損橫波。恨心終不歇。紅顏無復多。
枯木期填海。青山望斷河。

選句巧傷
的是齊梁
月露

其八

白馬向清波。乘冰始渡河。置兵須近水。移營喜竈多。

數語爲江
陵受燬而

藝文字有
靈當變為
精衛之血

專於通接
撥換處用
意便關中
唐法門

長坂初垂翼。鴻溝遂倒戈。的顛於此去。虞兮柰若何。
空營衛青塚。徒聽田橫歌。

其九

北臨玄菟郡。南戍朱鳶城。共此無期別。俱知萬里情。
昔嘗遊令尹。今時事客卿。不特貧謝富。安知死羨生。
懷秋獨悲此。平生何謂平。

其十

悲歌度燕水。弭節出陽關。李陵從此去。荆卿不復還。
故人形影滅。音書兩俱絕。遙看塞北雲。懸想關山雪。

遊子河梁上、應將蘇武別。

其十一

搖落秋爲氣、淒涼多怨情。
啼枯湘水竹、哭壞杞梁城。
天亡遭憤戰、日蹙值愁兵。
直虹朝映壘、長星夜落營。
楚歌饒恨曲、南風多死聲。
眼前一杯酒、誰論身後名。

其十二

周王逢鄭忿、楚后值秦冤。
梯衝已鶴列、冀馬忽雲屯。
武安擔瓦振、昆陽猛獸奔。
流星夕照鏡、烽火夜燒原。
古獄饒冤氣、空亭多枉魂。
天道或可問、微兮不忍言。

其十三

橫流遵屯慝。上塲結重氛。哭市聞妖獸。頽山起恠雲。
綠林多散卒。清波有敗軍。智士今安用。忠臣且未聞。
惜無萬金產。東求滄海君。

其十四

吉士長爲吉。善人終日善。大道忽云乖。生民隨事蹇。
有情何可豁。忘懷固難遣。麟窮季氏豈。虎振周王圜。
平生幾種意。一旦衝風卷。

其十五

六國始咆哮，縱橫未定交。欲競連城玉，翻徵縮酒茅。
析骸猶換子，登爨已懸巢。壯水初開地，盲風正折膠。
輕雲飄馬足，明月動弓梢。楚師正圍鞏，秦兵未下嶠。
始知千載內，無復有申包。

其十六

橫石三五片，長松一兩株。對君俗人眼，真與理當無。
野老披荷葉，家童掃栗栗。跼竹林千戶，封甘橘萬頭奴。
君見愚公谷，真言此谷愚。

似粗非粗
似拙非拙
此詩是也

其十七

日晚荒城上，蒼茫餘落暉。都護樓蘭返，將軍疎勒歸。
馬有風塵氣，人多關塞衣。陣雲平不動，秋蓬卷欲飛。
聞道樓船戰，今年不解圍。

其十八

尋思萬戶侯，中夜忽然愁。琴聲遍屋裏，書卷滿牀頭。
雖言夢蝴蝶，定自非莊周。殘月如初月，新秋似舊秋。
露泣連珠下，螢飄碎火流。樂天乃知命，何時能不憂。

其十九

憤憤天公曉，精神殊乏少。一郡催曙鷄，數處驚眠鳥。

起得突兀
無限意

讀不知從
何而來
結尤妙

帶筆意

其覺乃于于其憂惟悄悄張儀稱行薄管仲稱器小
天下有情人居然性靈天

其二十

在死猶可忍爲辱豈不寬古人持此性遂有不能安
其面雖可熱其心長自寒匣中取明鏡披圖自照看
幸無侵餓理差有犯兵欄擁節時驅傳乘亭不據鞍
代郡蓬初轉遼陽桑欲乾秋雲粉絮結白露水銀團
一思探禹穴無用鑿臯蘭

其二十一

倏忽市朝變蒼茫。人事非避讒。應采葛。忘情遂食薇。
懷愁正搖落。中心愴有違。獨憐生意盡。空驚槐樹衰。

其二十二

日色臨平樂。風光滿上蘭。南國美人去。東家棗樹完。
抱松傷別鶴。向鏡絕孤鸞。不言登隴首。唯得望長安。

其二十三

鬪麟能食日。戰水定驚龍。鼓鞞喧七萃。風塵亂九重。
鼎湖去無返。蒼梧悲不從。徒勞銅雀妓。遙望西陵松。

其二十四

何句是紅
顏悲舊國
之意

如此詠懷
詩古人得

未嘗有何
但揚矯捷

隋聞

頗會尋樂
地

無悶無不悶，有待何可待。昏昏如坐霧，漫漫疑行海。
千年水未清，一代人先改。昔日東陵侯，唯見瓜園在。

其二十五

懷抱獨惛惛，平生何所論。由來千種意，併是桃花源。
穀皮兩書帙，壺盧一酒樽。自知費天下，也復何足言。

其二十六

蕭條亭障遠，淒慘風塵多。關門臨白狄，城影入黃河。
秋風別蘇武，寒水送荆軻。誰言氣蓋世，晨起帳中歌。

其二十七

景自疲羸
語必清華

被甲陽雲臺，重雲久未開。
鷄鳴楚地盡，鶴唳秦軍來。
羅梁猶下礮，楊排久飛灰。
出門車軸折，吾王不復回。

和張侍中迷懷

陽窮乃悔吝，世季誠屯剝。
奔河絕地維，折柱傾天角。
成羣海水飛，如雨天星落。
負鍤遂移山，藏舟終去壑。
生民忽已魚，君子徒爲鶴。
疇昔逢知己，生平荷恩渥。
故組竟無聞，程嬰空寂寞。
永嘉獨流寓，中原惟鼎鑊。
道險臥櫬櫨，身危累素殼。
漂流從木梗，風卷隨秋籜。
張翰不歸吳，陸機猶在洛。
漢陽錢遂盡，長安米空索。

虛索二字
妙便見造
化小兒態
弄人處

時占季主龜乍販韓康藥伏轅終入絆垂翅猶離繳
徒懷琬琰心空守黃金諾號郁終無寄齊秦竟何託
大夫唯閔周君子常思毫寂寥共羈旅蕭條同負郭
農談止穀稼野膳唯藜藿操樂楚琴悲忘憂魯酒薄
渭濱觀坐釣谷口看秋穫唯有丘明耻無復榮期樂
夷則火星流天根秋水涸冬嚴日不暖歲晚風多朔
楊浮有恠雲細凌聞災雹木皮三寸厚涇泥五斗濁
雖忻曲轅樹猶懼雕陵鵠生涯實有始天道終虛橐
且悅善人交無疑朋友數何時得雲雨復見翔寥廓

奉和示內人

示內人便
作內人語
無往不妙

然香鬱金屋，吹管鳳凰臺。春朝迎雨去，秋夜隔河來。
聽歌雲卽斷，聞琴鶴倒回。春窓刻鳳下，寒壁畫花開。
定取流霞氣，時添承露杯。

奉和趙王美人春日

直將劉碧玉，來過陰麗華。祇言滿屋裡，併作一園花。
新藤亂上格，春水漫吹沙。步搖釵梁動，紅輪帔角斜。
今年逐春處，先向石崇家。

奉和趙王春日

城傍金谷苑，園裏鳳凰池。細管調歌曲，長衫教舞兒。
向人長曼臉，由來薄面皮。梅花絕解作，樹葉本能吹。
香煙龍口出，蓮子帳心垂。莫畏無春酒，須花但見隨。

夢入堂內

句句矜貴
方不負官
體

雕梁舊刻杳，香壁本泥椒。幔繩金麥穗，簾鈎銀蒜條。
畫眉千度拭，梳頭百遍撩。小衫裁褭臂，纏絃摺抱腰。
日光釵釵動，窓影鏡花搖。歌曲風吹韻，笙簧火炙調。
卽金須戲去，誰復待明朝。

和詠舞

舞神可想

洞房花燭明，燕餘雙舞輕。
頓履隨疎節，低鬟逐上聲。
步轉行初進，衫飄曲未成。
鸞迴鏡欲滿，鶴顧市應傾。
已曾天上學，詎是地中生。

夜聽搗衣

秋夜搗衣聲，飛度長門城。
今夜長門月，應如晝日明。
小鬟宜粟瑱，圓腰運織成。
秋砧調急節，亂杵變新聲。
石燥砧逾響，桐虛杵絕鳴。
鳴石出華陰，虛桐採鳳林。
北堂細腰杵，南市女郎砧。
擊節無勞鼓，調聲不用琴。
竝結連枝縷，雙穿長命針。
倡樓驚別怨，征客動愁心。

同心竹葉枕。雙去雙來滿。裙裾不柰長。衫袖偏宜短。
龍文鏤剪刀。鳳翼纏參管。風流響和韻。哀怨聲悽斷。
新聲繞夜風。嬌轉滿空中。應聞長樂殿。判徹昭陽宮。
花鬢醉眼纈。龍子細文紅。濕摺通夕露。吹衣一夜風。
玉堦風轉急。長城雪應闌。新綬始欲縫。細錦行須纂。
聲煩廣陵散。杵急漁陽摻。新月動金波。秋雲泛濫過。
誰憐征戍客。今夜在交河。栩陽離別賦。臨江愁思歌。
復令悲此曲。紅顏餘幾多。

預麟趾殿校書和劉儀同

止戈興禮樂。修文盛典謨。壁開金石篆。河浮雲霧圖。
芸香上延閣。碑石向鴻都。誦書徵博士。明經拜大夫。
壁池寒水落。學市舊槐疎。高譚變白馬。雄辯塞飛狐。
月落將軍樹。風驚御史烏。子雲猶汗簡。溫舒正削蒲。
連雲雖有閣。終欲想江湖。

和宇文內史入重陽閣

北原風雨散。南宮容衛疎。待詔還金馬。儒林歸石渠。
徒懸仁壽鏡。空聚茂陵書。竹淚垂秋筍。蓮衣落夏蕖。
顧成始移廟。陽陵正徙居。舊蘭憔悴長。殘花爛熳舒。

恢復舊業
似喜實悲

別有昭陽殿。長悲故婕妤。

忝在司水看治渭橋

大夫參下位。司職渭之陽。富平移鐵鑠。甘泉運石梁。
跨虹連絕岸。浮龍續斷航。春洲鸚鵡色。流水桃花香。
星精逢漢帝。鈞叟值周王。平隄石岸直。高堰柳陰長。
羨言杜元凱。河橋獨舉觴。

北園新齋成應趙王教

甌粉跂鳥翼。山節拱蘭枝。畫梁雲氣繞。彫窓玉女窺。
月懸唯返照。蓮開長倒垂。盤根細壤石。行雨暴澆池。

浩然一宜
春檻

疏鑿巧矣
實勞樹藝
奇矣實潤
何句是諷

長藤連格。徙高樹帶巢。移鳥聲唯雜。曲花風直亂吹。
白虎題書觀。玄熊帖射皮。文絃入舞曲。月扇掩歌兒。
玉節調笙管。金船代酒卮。若論曹子建。天人本共知。

同會河陽公新造山池聊得寓目

橫階仍鑿澗。對戶卽連峯。暗石疑藏虎。盤根似臥龍。
沙洲聚亂荻。洞口礙橫松。引泉恒數派。開巖卽十重。
北閣聞吹管。南鄰聽擊鐘。菊寒花正合。杯香酒絕濃。
由來魏公子。今日始相逢。

登州中新閣

跨虛凌倒景。連雲拒少陽。璇極龍鱗上。雕甍鸞翅張。
千尋文杏照十里。木蘭香。開窓對高掌。平坐望河梁。
歌響聞長樂。鐘聲徹建章。賦用王延壽。書須韋仲將。
龍來隨畫壁。鳳起逐吹簧。石作芙蓉影。池如明鏡光。
花梁反披葉。蓮井倒垂房。徒然思鸞賀。無以預鷓翔。

歲晚出橫門

年華改歲陰。遊客喜登臨。據鞍垂玉帖。橫腰帶錦心。
水弱浮橋沒。沙虛馬跡深。倚弓依石岸。回床向柳陰。
智瓊來勸酒。文君過聽琴。明朝雲雨散。何處更相尋。

北園射堂新成

軒臺聊可習。仙的不難登。轉箭初調筈。橫方先望棚。
驚心一鴈落。連臂兩猿騰。直知王濟巧。誰覺魏舒能。
空心不死樹。無葉未枯藤。擇賢方知此。傳卮欣得朋。

庾子山集卷三終

庾子山集卷四

北周新野庾信著

明東海屠隆評

詩

園庭

杖鄉從物外，養學事閑郊。
窮愁方汗簡，無遇始觀爻。
谷寒已吹律，簷空更剪茆。
樵隱恒同路，人禽或對巢。
水蒲開晚結，風竹解寒苞。
古槐時變火，枯楓乍落膠。
倒徙迎懸榻，停琴聽解嘲。
香螺酌美酒，枯蚌藉蘭葍。
飛魚時觸釣，翳雉屢懸庖。
但使相知厚，當能來結交。

歸田

點綴真率
出儲光義
之上

務農勤九穀，歸來嘉一廬。
穿渠移水碓，燒棘起山田。
樹陰逢歇馬，魚潭見洒船。
苦李無人摘，秋瓜不直錢。
社雞新欲伏，原蠶始更眠。
今日張平子，翻爲人所憐。

寒園卽目

唐鮑溶云
古苔殘墨
沼深竹蒼
齋堂從此
想出

寒園星散居，槎落小村墟。
遊仙半壁畫，隱士一牀書。
子月泉心動，陽爻地氣舒。
雪花深數尺，冰牀厚尺餘。
蒼鷹斜望雉，白鷺下看魚。
更想東都外，羣公別二疎。

幽居值春

山人久陸沉，幽逕忽春臨。
決渠移水碓，開園掃竹林。
欹橋久半斷，崩岸始邪侵。
短歌吹細笛，低聲泛古琴。
錢刀不相及，耕種且湏深。
長門一紙賦，何處覓黃金。

臥疾窮愁

危慮風霜積，窮愁歲月侵。
留蛇常疾首，映弩屢驚心。
稚川求藥錄，君平問卜林。
野老時相訪，山僧或見尋。
有菊翻無酒，無弦則有琴。
詎知長抱膝，獨爲梁父吟。

山齋

寂寥尋靜室，蒙密就山齋。
滴瀝泉澆路，穹窿石臥階。

與簡文岸
柳垂長葉
聽桃落細
斷皆極詠
物之妙

淺槎全不動。盤根唯半埋。圓珠墜晚菊。細火落空槐。
直置風雲慘。彌憐心事乖。

望野

試策千金馬。來登五丈原。有城仍舊縣。無樹卽新村。
水向蘭池泊。日斜細柳園。澗渚通沙路。寒渠塞水門。
但得風雲賞。何須人事論。

蒙賜酒

金膏下帝臺。玉曆在蓬萊。仙人一遇飲。分得兩三杯。
忽聞桑葉落。正值菊花開。阮籍披衣進。王戎含笑來。

從今覓仙藥，不假向瑤臺。

奉報趙王惠酒

梁王修竹園，冠蓋風塵喧。行人忽在道，直進桃花源。
稚子還羞出，驚妻倒閉門。始聞傳上命，定是賜中樽。
野鑪然樹葉，山杯捧竹根。風池還更煖，寒谷遂長暄。
未知稻梁鴈，何時能報恩。

有喜致醉

忽見庭生玉，聊欣蚌出珠。蘭芬猶載寢，蓬箭始懸弧。
既喜枚都尉，能歡陵大夫。頻朝中散客，連日步兵厨。

常與年曰
會情性者
因於物象
蕭酒曠遠
之致楮端
欲語物象
可謂工矣

履子山集卷四
三
襍曲隨琴用，殘花聽酒頰。脆梨裁數實，甘查唯一株。
兀然已復醉，搖頭歌鳳雛。

喜晴應詔 勅自疏韻

莊重無屠
活氣是應
詔體

御辯誠膺錄，維皇稱有建。雷澤昔經漁，負夏時從販。
栢梁驂駟馬，高陵馳六傳。有序屬賓連，無私表平憲。
河堤崩故柳，秋水高新堰。心齋愍昏墊，樂徹憐胥怨。
禪河秉高論，法輪開勝辯。王城水闌息，洛浦河圖獻。
伏泉還習坎，歸風已回巽。桐枝長舊圍，蒲節抽新寸。
山藪欣藏疾，幽棲得無悶。有慶兆民同，論年天子萬。

同顏大夫初晴

夕陽含水氣，反景照河隄。
濕花飛未遠，陰雲歛向低。
燕燥還爲石，龍殘更是泥。
香泉酌冷澗，小艇釣蓮溪。
但使心齊物，何愁物不齊。

奉和趙王喜雨

玄霓臨日谷，封蟻對雲臺。
投壺欲起電，倚柱稍驚雷。
白沙如濕粉，蓮花類洗杯。
驚鳥洒翼度，濕鴈斷行來。
浮橋七星起，高堰六門開。
猶言祀蜀帝，卽似望荆臺。
厥田終上上，原野自莓莓。

和 李司錄喜雨

純陽實久亢，雲漢乃昭回。
臨河沈璧玉，夾道盡龍媒。
離光初繞電，震氣始乘雷。
海童還碣石，神女向陽臺。
雲逐魚鱗起，渠從龍骨開。
崩沙雜水去，臥樹擁槎來。
嘉苗雙合穎，熟稻再含胎。
屬此欣膏露，逢君擣揆才。
愧乏瓊將玖，無酬美且偲。

郊行值雪

風雲俱慘慘，原野共茫茫。
雪花開六出，冰珠映九光。
還如驅玉馬，暫似獵銀獐。
陣雲全不動，寒山無物香。

薛君一狐白，唐侯兩驢驢。寒關日欲暮，披雪渡河梁。

奉和趙王西京路春日

直城龍首抗，橫橋天漢分。風鳥疑近日，露掌定高雲。
新渠還入渭，舊鼎更開汾。漢獵熊攀檻，秦田雉失群。
宜年動春律，御宿斂寒氛。美玉迎簫史，東方覓細君。
楊柳成歌曲，蒲桃學繡文。鳥鳴還獨解，花開先自薰。
誰知灞陵下，猶有故將軍。

奉和夏日應令

朱簾捲麗日，翠幕蔽重陽。五月炎蒸氣，三時刻漏長。

雕金篆玉
牢奇籠豔

麥隨風裏熟。梅逐雨中黃。開冰帶井水，和粉雜生香。
衫含蕉葉氣，扇動竹花涼。早菱生軟角，初蓮開細房。
願陪仙鶴舉，洛浦聽笙簧。

和樂儀同苦熱

火井沉熒散，炎洲高燄通。鞭石未成雨，鳴鳶不起風。
思爲鸞翼扇，願借明光宮。臨淄迎子禮，中散就安豐。
美酒含蘭氣，甘瓜開蜜筒。寂寥人事屏，還得隱墻東。

和裴儀同秋日

蕭條依白社，寂寞似東臯。學異南宮敬，貧同北郭騷。

鮑任諸作
自是各出
一奇終不
若此之清
麗

唐人露暖
蜂偷蕊
啼日到軒
與此競來

蒙吏觀秋水，萊妻紡落毛。
旅人嗟歲暮，田家厭作勞。
霜天林木燥，秋氣風雲高。
栖遑終不定，方欲涕沾袍。

詠園花

暫往春園傍，聊過看果行。
枝繁類金谷，花雜映河陽。
自紅無假染，真白不須粧。
燕送歸菱井，蜂銜上蜜房。
非是金鑪氣，何關栢殿香。
裋衣偏定好，應持奉魏王。

西門豹廟

君子爲利博，達人樹德深。
蘋藻由斯薦，樵蘇幸未侵。
恭聞正臣祀，良識佩韋心。
容範雖年代，徽猷若可尋。

清猿淚落

菊花隨酒馥。槐影向窻臨。鶴飛疑逐舞。魚驚似聽琴。
漳流鳴磴石。銅雀影秋林。

和王少保遙傷周處士

冥漠爾遊岱。悽涼余向秦。雖言異生死。同是不歸人。
昔余仕冠蓋。值子避風塵。望氣求真隱。伺關待逸民。
忽聞泉石友。芝桂不防身。悵然張仲蔚。悲哉鄭子真。
三山猶有鶴。五柳更應春。遂令從渭水。投弔往江濱。

傷王司徒哀

昔聞王子晉。輕舉逐神仙。謂言君積善。還得嗣前賢。

四海皆流寓，非爲獨播遷。豈意中台坼，君當風燭前。
自君鍾鼎族，江東三百年。寶刀仍世載，瑯戈本舊傳。
綠紱紆槐綬，黃金飾侍蟬。地建忠臣國，家開孝子泉。
自能枯木潤，足得流水圓。以君承祖武，諸侯無間然。
青矜已對日，童子卽論天。頽陰珠玉麗，河陽脂粉妍。
名高六國共，價重十城連。辯足觀秋水，文堪題馬鞭。
廻鸞抱書字，別鶴繞琴弦。擁旄裁甸服，垂帷非被邊。
靜亭空繫馬，閑烽直起煙。不廢披書案，無妨坐釣船。
茂陵忽多病，淮陽實未痊。侍醫逾默默，神理遂綿綿。

永別張平子，長埋王仲宣。栢谷移松樹，陽陵買墓田。
陝路秋風起，寒堂已颯焉。丘楊一搖落，山火卽時然。
昔爲人所羨，今爲人所憐。世途旦復旦，人情玄又玄。
故人傷此別，留恨滿秦川。定名於此定，全德以斯全。
唯有山陽笛，悽余思舊篇。

仰和何僕射還宅懷故

紫閣旦朝罷，中臺夕奏稀。無復千金笑，徒勞五日歸。
步簷朝未掃，蘭房晝掩扉。苔生。理。曲。處。網。積。迴。文。機。
故瑟餘弦斷，歌梁秋鴈飛。朝雲雖可望，夜帳定難依。

語意凄慘
是清奇僻
苦重

願憑甘露入，方假慧燈輝。寧知洛城晚，還淚獨沾衣。

送吳法師墓

龍泉今日掩石洞，卽時封玉匣。摧談柄，懸河落辯鋒。
香鑪猶是栢，麈尾更成松。郭門未十里，山迴已數重。
尚聞香閣梵，猶聽竹林鍾。送客風塵擁，寒郊霜露濃。
性靈如不滅，神理定何從。

唐詩云風
林月動經
留魄沙島
香愁似蘊
情與此同
意

庚子山集卷四終